



Uunga: Inatsisartunut ilaasortaq Kuno Fencker, Siumut

Inatsisartut aalajangiussaani Naalakkersuisut suleriaasiat pillugu § 37 nr. 2024-131 naapertorlugu apeqquteqarputit

22-08-2024
Sags nr. 2024 - 12856
Dok. nr. 24322186

Inatsisartut suleriaasianni § 37, imm. 1 naapertorlugu tullinnguuttuni allassimasunik Inatsisartut aalajangiussaani Naalakkersuisut suliaqartarnerinut tunngassuteqartunik Naalakkersuisunut apeqquteqarputit.

Postboks 1015
3900 Nuuk
Tlf. (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

Akissutit apeqqutigineqartut kingornatungaanniipput.

- 1. Suleriaatsit sorliit taakkulu malitsigisaat Inatsisartut aalajangiiffigisassaattut siunnersuutaat pimoorullugit tiguneqarnissaannut Naalakkersuisut qulakkeerinninnissamut malittassaaticigivaat?**

Akissut: Naalakkersuisut Inatsisartunit toqqagaapput Inatsisartunullu taakkulu aalajangiussaanut akisussaasuusarlutik. Naalakkersuisut akisussaaffitsik pimooruttorujussuuvaa. Inatsisartut qinersiviup ingerlanerani aalajangiussaata tamarmik Naalakkersuisunit isumagineqartartussaapput. Inatsisartut aalajangiussaasa malitseqartinneqartarnissaanut Naalakkersuisoqarfiit ataasiakkaat assigiinngisitaartunik periuseqartarput.

- 2. Inatsisartut Aalajangiiffigisassaattut siunnersuutit killiffissiorneqarnissaannut pivusunnorsarneqarnissaannullu aaqqissuussamik pilersaaruteqartoqarpa imaluunniit periusissiaqarpa?**

Akissut: Apeqqut 1-imut akissutigineqartut inussiarnersumik innersuussutigineqassapput.

- 3. Inatsisartut Aalajangiiffigisassaattut siunnersuutaasa erseqqissumik malinnaavigineqarsinnaanissaannut pitsanngorsaanissamut, suliarineqarnerini akisussaaffigineqarnissaannut kiisalu pivusunnorsarneqarnissaannut Naalakkersuisut sunik suliniuteqarpat?**

Akissut: Naalakkersuisut 2023/2024-mi Inatsisartuni angusimasaasa suliaasalu nalunaarsorneri Naalakkersuisut saqqummiuteqqammerpaat. Inatsisissatut siunnersuutit akuerineqarsimasut politikikkullu suliniutit allat Naalakkersuisunit naammassineqarsimasut nalunaarsukkami atuarneqarsinnaapput. Nalunaarsukkani takuneqarsinnaavoq inatsisissatut siunnersuutit politikikkullu suliniutissat Inatsisartut aalajangiussaani malitseqartitsinerusut.

Ukiut siuliini 2021-2022 angusat suliallu nalunaarsornerittaq sliarineqarput, kingusinnerusukkut saqqummiunneqassalutik.

Suleriaasissaq ataqatigiissaarillunilu piviusunngortitsinissamullu sulineq maanna aallartisarneqarpoq.

4. Aalajangiiffigisassatut siunnersuutigineqarsimasut suliatut suli ingerlasut tamaasa tulleriissarlugit allattorsimaffittut Naalakkersuisut saqqummiussinnaanarlunikkut, matumani suliat killiffii piviusunngorsaanerullu qanoq ingerlanera sukumiisumik nassuiaatitalerlugit?

Akissut: Naalakkersuisut nalilersuiuarput, Inatsisartut aalajangigaannik malitseqartitsinermik qulakkeerinninneq qanoq pissusissamisoornerpaamik aaqqissuussamillu sliarineqarsinnaanersut. Piffissami qinersivimmi matumani Inatsisartut aalajangigaasa pingaarnersiorneqarneri malitseqartinniarneqarnerilu pitsaanerpaaffianiitinniarlugit Naalakkersuisut Siulittaasuata Naalakkersuisoqarfiani suliaqartoqarpoq. Suliaq pineqartoq naammassineqarpat pisortatigoortumik takuneqarsinnaalissaaq.

Inatsisartut aalajangiineri, piffissami qinigaaffiusumi atuuttumi akuersissutigineqartut sapinngisamik pitsaanerpaamik naammassineqarnissaat Naalakkersuisut suliarisarpaat. Taamaattorli aalajangiinerup aningaasalersorneqannginnerata kinguneru killilersuisinnaapput imaluunniit suliassanut pilersaarutit iluannit tulleriiaarinerup ajornakusoornera saqqummersinnaavoq. Inatsisartuni ilaasortat aalajangiussassatut siunnersuutit aalajangersimasut pillugit aperinissamut periarfissaqartuarput.

5. Aalajangiiffigisassatut siunnersuutit sorliit qinigaaffik kingullermit annerunerusumik iliuuseqarfigineqaaqqigatik naammassineqarsimasutut nalilernerqarsimappat, aamma suna peqqutaallugu taamatut nalilernerqartarpat?

Akissut: Qinigaaffiusut siuliineersunik aalajangiiffigisassatut siunnersuutini tamakkiisumik takussutissamik Naalakkersuisut suliaqartanngillat. Inatsisartut aalajangiineri, piffissami qinigaaffiusumi atuuttumi akuersissutigineqartut sapinngisamik pitsaanerpaamik naammassineqarnissaat Naalakkersuisut suliarisarpaat.

Med venlig hilsen
Inussiarnersumik Inuulluaqqusillunga



Múte Bourup Egede